



FOTO RALF FEINER/52BESTEBAUTEN.CH

In atelier senza sminca

■ (ls/fmr) Robert Obrist (1937–2018) è stà tut sia vita ina personalitad impurtanta per l'architectura grischuna – sco architect da blers edifizis publics, sco planisader e sco burgais politicamain engaschè. A partir dal 1963 ha Obrist, oriundamain da l'Argovia, vivi e lavurà a San Murezzan. L'onn 1968 ha el confrontà il lieu da

cura cun in bogn cuvert cubistic, in edifizis senza sminca (sbuvà dal 2010). Cun la medema tenuta ha el costruì – cun gnanc 35 onns – a San Murezzan questa chasa d'atelier provocanta, cun in tetg plat ed or da betun. L'edifizis contrastescha uschia cun la solita architectura da cliché en lieus turistics. Sur tschintg plauns sa

stenda il cubus cun si'estetica puristica e cuntegna in atelier sin dus plauns e tschintg abitaziuns da differenta grondezza.

La chasa d'abitar e d'atelier Obrist è in da 52 edifizis che la Lia grischuna per la protecziun da la patria preschenta en il decurs da quest onn per sensibilisar per architectura dals onns 1950–2000.